

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-12-Z/21

Kakanj, 18.11.2021. godine

Z A P I S N I K

**sa 12. redovne sjednice Općinskog vijeća održane 18.11.2021. godine (četvrtak)
u sali Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine 12. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Edin Aliefendić, Safet Šahman, Mejrema Purišević, Namir Talić, Mediha Mamela, Omer Musić, Nerma Aliefendić, Elvir Delibašić, Izudin Puščul, Izudin Hrusto, Džemal Bečirhodžić (naknadno pristupio) i Aldin Šljivo (naknadno pristupio) (**SDA**)

Ahmed Begić i Miroslav Spasojević (**SDP BiH**)

Zerina Kovač, Sabit Čehajić i Fakir Ajdinović (**S BiH**)

Dževdet Huskić, Behija Kulović i Branko Češljic (**NS**)

Enver Merdić i Mugdin Gorak (naknadno pristupio) (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (naknadno pristupio) - **nacionalnih manjina**

Odsutni vijećnici: Nedim Mušija (**SDA**), Mirsad Tursum (**S BiH**), Eldin Mijoč i Vinka Aletović (**SDP BiH**)

Predsjedavajući je konstatovao da je na sjednici u momentu prijave prisutno 23 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Nurudin Hrusto, pomoćnik općinskog načelnika za civilnu zaštitu

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Rešad Zaimović, pomoćnik načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Zijad Neimarlija, direktor Zavoda za planiranje i izgradnju općine Kakanj

Izviestioци, obrađivači, gosti:

Vesna Ajanović, općinski pravobranilac
Sedin Karahodžić, šef readmisionog tima Općine Kakanj

Predstavnici medija:

NTV IC Kakanj
Radio Kakanj
Kakanj Info

Napomene o radu Kolegija Općinskog vijeća:

U pripremi 12. redovne sjednice Općinskoga vijeća, Kolegij Općinskog vijeća je 11.11.2021. godine, održao sjednicu na kojoj je razmatrao:

a) Inicijativa Vijeća roditelja OŠ „Hamdija Kreševljaković“ Kakanj

Inicijativu je Kolegij Općinskog vijeća uputio Zavodu za planiranje i izgradnju i Službi za privredu, urbanizam i zaštitu okoline na dalje postupanje i razmatranje.

b) Zahtjev Udruženje autoškola na području općine Kakanj

Zahtjev je Kolegij Općinskog vijeća uputio Službi za privredu, urbanizam i zaštitu okoline na dalje postupanje i razmatranje.

c) Akcioni plan Analize stanja socijalne zaštite u ZDK sa posebnim osvrtom na utjecaj pandemije koronavirusa na sistem socijalne zaštite

Akcioni plan Analize stanja socijalne zaštite u ZDK sa posebnim osvrtom na utjecaj pandemije koronavirusa na sistem socijalne zaštite Kolegij je odlažio za narednu sjednicu Općinskog vijeća, kada će uz Akcioni plan ponovo biti razmatrana i Analiza.

d) Zapisnik sa sastanka predsjedavajućih i sekretara općinskih i gradskih vijeća u Zeničko-dobojskom kantonu o horizontalnoj i vertikalnoj saradnji održanog na inicijativu OSCE BiH

Zapisnik je Kolegij Općinskog vijeća primio k znanju i uputio ga svim vijećnicima.

e) Informacija Općinskog pravobranilaštva o trasi željezničkog transporta „Trstionica“

f) Informacija Službe za imovinskopravne, geodetske poslove i katastar nekretnina o trasi željezničkog transporta „Trstionica“

Kolegij Općinskog vijeća je Informacije uputio općinskom načelniku da sa nadležnim službama iznađe modalitet rješavanja odnosa sa RMU Kakanj poštujući zakonsku regulativu, te da u vidu prijedloga akta isto ponudi Općinskom vijeću na usvajanje.

Usvajanje zapisnika sa 11. redovne sjednice Općinskog vijeća:

Nije bilo primjedbi na zapisnik sa 11. redovne sjednice Općinskog vijeća i isti je usvojen jednoglasno sa 23 glasa ZA.

Komentari na dostavljene odgovore na vijećnička pitanja:

Nije bilo komentara na odgovore na vijećnička pitanja.

Komentari na dostavljena mišljenja na vijećničke inicijative:

Dževdet Huskić: je rekao da je na prethodnoj sjednici podnio dvije inicijative koje su adresirane na općinske službe i da nije dobio mišljenje o istima, što je ocijenio nezamislivim obzirom da nisu upućene nigdje van općinskog organa.

Behija Kulović: je navela da je na vijećničku inicijativu sa jedne od ranijih sjednica, a koja se odnosi na izradu Gender akcionog plana Općine Kakanj, dobila pozitivan stav Komisije za ljudska prava i ravnopravnost spolova, ali da nije dobila mišljenje općinskog načelnika, te je u tom smislu pozvala načelnika da razmotri inicijativu i dostavi mišljenje.

Branko Češljic: je rekao da je dobio mišljenje na inicijativu u vezi izrade strategije zapošljavanja i prekvalifikacije mladih na području općine u kojem se kaže da je predmetna problematika u nadležnosti Federacije BiH. Smatra da se ne bi trebali oslanjati na federalne organe po ovom pitanju i da nije problem, odnosno da bi bilo neophodno da Općina Kakanj izradi svoj plan i zamisao svoje radne snage i razvoja privrede u narednom periodu.

Vijećnička pitanja:

Behija Kulović: je postavila vijećničko pitanja koliko je korisnika blokirano na zvaničnoj Facebook stranici Općine Kakanj.

Dževdet Huskić: je postavio dva vijećnička pitanja. Prvo je čija je ideja, a ko je autor projekta nove saobraćajnice od ulice 7. muslimanske brigade do zgrade Općinskog suda i Policijske stanice Kakanj, koja je trenutno u izgradnji. Drugo pitanje se odnosi na dostavu odgovarajućih podataka u vezi svih postavljenih vijećničkih pitanja i vijećničkih inicijativa od 2. do 12. sjednice aktuelnog saziva Općinskog vijeća.

Branko Češljic: je postavio dva vijećnička pitanja. Prvo je koliko je izgrađenih i funkcionalnih kanalizacionih kolektora u dolini Trstionice, a drugo pitanje je kakvi se radovi vrše u gornjem toku rijeke Trstionice u mjestu Mehorić, po čijem odobrenju se uništava korito rijeke Trstionice i postoje li odgovarajuće dozvole za eksploataciju materijala sa tog područja radi nasipanja puta koji je na istom mjestu u izgradnji.

Mediha Mamela: je postavila vijećničko pitanja na osnovu čega je određeno vrijeme uzimanja uzoraka krvi samo u određenom terminu i kako se postupa kada su u pitanju djeca, da li se uzimaju uzorci krvi za analizu i poslije predviđenog termina, te kakva je praksa ako se u toku dana pojave hitni slučajevi od čije analize i rezultata ovisi daljnje liječenje, a sve radi problematike uzimanja uzoraka krvi i drugih laboratorijskih nalaza, izuzev onih koji idu na obradu u Kantonalnu bolnicu Zenica.

Zerina Kovač: je postavila vijećničko pitanja zašto studenti koji su upisali IT inženjering na Univerzitetu u Zenici ne mogu ostvariti pravo na stipendiju, dok studenti koji studiraju isti fakultet u drugim gradovima stipendiju mogu ostvariti, ako se zna da je Odlukom o dodjeli stipendija studentima i učenicima koji se školuju za deficitarna zanimanja utvrđeno kao deficitarno zanimanje IT inženjering.

Sabit Čehajić: je postavio vijećničko pitanja i tražio da mu se dostavi izvještaj o realizaciji infrastrukturnih projekata usvojenih u programima za 2021. godinu.

Vijećničke inicijative:

Izudin Puščul: je pokrenuo vijećničku inicijativu za postavljanje zvučne i svjetlosne signalizacije na pružnim prijelazima na kojima ista nedostaje, te otklanjanje kvarova na pružnim prelazima gdje signalizacija postoji ali je neispravna.

Dževdet Huskić: je pokrenuo dvije vijećničke inicijative. Prva se odnosi na nabavku i postavljanje stacionarnog radara na kraju Ulice branilaca kod ušća Zgošće u rijeku Bosnu i ograničenje brzina kretanja vozila na 30 km/h i to od kraka koji se sa Ulice branilaca odvaja desno u pravcu romskog naselja Varda, do raskrsnice kod slastičarne „Egipat“, a zbog činjenice da se na tom području nalazi stambena zgrada, nekoliko poslovnih objekata i nekoliko pješačkih prelaza, pa su česte gužve i ubrzanja vozila u namjeri da se vozači prestroje u posljednji čas. Druga inicijativa je za izradu i javno objavljivanje plana odvoza luga iz prigradskih naselja i sela, što je jedna od djelatnosti JP „Vodokom“. Planom je potrebno odrediti mjesto prikupljanja luga po naseljima i selima, izraditi precizan plan odvoza koji će biti javno objavljen putem medija i oglasnih ploča u MZ, te postupati po planu i vršiti redovan odvoz.

Omer Musić: je pokrenuo vijećničku inicijativu za sanaciju šahta koji se nalazi u blizini „Đuđinog mosta“ u jednosmjernoj ulici koja prolazi pored dječijeg igrališta i poligona za košarku, obzirom da je predmetni šaht u jako lošem stanju, potonuo je i neuslovan je za svakodnevni prolazak na desetina automobila.

Nerma Aliefendić: je pokrenula dvije vijećničke inicijative. Prva je da Općina Kakanj u saradnji sa JU „Dom zdravlja“ Kakanj organizuje besplatan preventivni pregled – skrining na melanom kože, a u cilju ranog otkrivanja malignog tumora kože i prevencija tog oboljenja, čime se mogu spasiti životi oboljelih, kao i radi pružanje informacija o ranoj dijagnostici i liječenju navedene bolesti, a sve imajući u vidu značajan porast broja oboljelih u mlađoj životnoj dobi. Druga inicijativa je da se neka od postojećih i/ili igrališta koja će se u narednom periodu graditi opreme mobilijarom koji je prilagođen djeci sa poteškoćama u razvoju, odnosno da ista budu inkluzivna kako bi se od najranije dobi spojila djeca sa poteškoćama u razvoju i djeca bez poteškoća.

Behija Kulović: je pokrenula dvije vijećničke inicijative. Prva se odnosi na uređenje i čišćenje pješačke staze koja spaja naselja Varda, Barev Do i Pope sa užom gradskom jezgrom, uz činjenicu da ona predstavlja najbliži prilaz gradu, a u izuzetno je lošem stanju, puna smeća, nikad nije uređena, asfaltirana niti ima uličnu rasvjetu, a dodatno je uništena prilikom izgradnje zgrada za stambeno zbrinjavanje socijalno ugroženih kategorija. Druga inicijativa je za postavljanje taktilnih traka za slijepce i slabovidne osobe, jer taktilne trake omogućavaju slijepim i slabovidnim osobama lakšu orijentaciju i snalaženje u prostoru, samostalno kretanje i pristup javnim objektima svih namjena.

Branko Češljic: je pokrenuo dvije vijećničke inicijative. Prva je da se postojeći kanalizacioni kolektori u dolini Trstionice poprave i modernizuju, jer su mnogi u proteklim godinama oštećeni, ne održavaju se i njihove otpadne vode prelijevaju u rijeku Trstionicu uz koju su obično smješteni. Druga inicijativa se odnosi na izmjenu Odluke o kriterijima, uslovima i načinu ostvarivanja prava na sufinansiranje troškova prevoza studenata i redovnih učenika srednjih škola, a zbog činjenice da su budžetska izdvajanja za ovu namjenu u velikom padu od 2015. godine, te smatra da je poražavajuće da nije uočena prilika da se promjene kriteriji i obuhvati više djece u program subvencioniranja prevoza.

Armin Bašić: je pokrenuo vijećničku inicijativu za dosljednu implementaciju Saobraćajnog projekta Općine Kakanj, konkretno s akcentom na postavljanje adekvatne saobraćajne signalizacije kojom bi se vozila iz Ulice branilaca koja izlaze iz grada usmjerila u pravcu autoputa i kojom bi se spriječio ulazak visokih vozila u ulicu tzv. Podvarda.

Slaven Katičić: je pokrenuo vijećničku inicijativu za ispravke grešaka nastalih na terenu usljed implementacije Odluke o obilježavanju naseljenih mjesta, ulica, trgova, mostova i označavanja zgrada brojevima, Odluke o utvrđivanju registra mjesnih zajednica, naseljenih mjesta i dijelova naseljenih mjesta na području općine Kakanj, Odluke o utvrđivanju registra naziva ulica, trgova i mostova na području općine Kakanj, te Odluke o utvrđivanju naziva novih ulica općine Kakanj. Predložene izmjene se traže iz razloga što postoje brojne primjedbe s terena usljed provođenja naprijed navedenih odluka, na način da su prilikom obilježavanja kuća i objekata nazivima naseljenih mjesta počinjene greške zbog čega mještani imaju problem prilikom promjene dokumenata, a uz sve to federalnim propisom je izvršeno utvrđivanje granica naseljenih mjesta, na koji način je došlo do povrede propisa više pravne snage.

Predsjedavajući je konstatovao da je vijećnica Zerina Kovač podnijela vijećničku inicijativu bez korištenja govornice.

Zerina Kovač: je pokrenula vijećničku inicijativu za saniranje udarnih rupa u ulici Selima ef. Merdanovića kod Tvornice cementa Kakanj, a iz razloga što je navedena ulica veoma prometna, posebno u periodu odlaska i vraćanja s posla, gdje je zbog izbjegavanja udarnih rupa vrlo moguće izazivanje saobraćane nezgode.

Utvrđivanje dnevnog reda:

Predsjedavajući je za 12. redovnu sjednicu predložio dnevni red koji je usaglašen na sjednici Kolegija od 11.11.2021. godine, s tim da je naglasio da je predlagač povukao tačku 6. usaglašenog dnevnog reda „Razmatranje dopisa Općinskog pravobranilaštva u vezi nalaza i mišljenja vještaka o diobi nekretnine (Autobuska stanica Kakanj)“.

Kako nije bilo primjedbi na predloženi dnevni red isti je usvojen jednoglasno sa 24 glasa ZA.

Usvojeni dnevni red:

1. Izvještaj o izvršenju Budžeta Općine Kakanj za period 01.01.-30.09.2021. godine
2. Prijedlog odluke o izmjenama i dopunama Budžeta Općine Kakanj za 2021. godinu s prijedlogom zaključka o saniranju akumuliranog deficita iz ranijeg perioda
3. Prijedlog odluke o dopuni Odluke o izvršavanju Budžeta Općine Kakanj za 2021. godinu
4. Nacrt budžeta Općine Kakanj za period 01.01.-31.12.2022. godine
5. Nacrt odluke o izvršavanju budžeta Općine Kakanj za period 01.01.-31.12.2022. godine
6. Prijedlog odluke o davanju saglasnosti za utvrđivanje namjene mikrolokalitetu (Romsko naselje Varda)
7. Prijedlog odluke o izmjenama i dopunama Odluke o utvrđivanju naziva novih ulica općine Kakanj
8. Lokalni akcioni plan za reintegraciju BH državljana koji se vraćaju po osnovu Sporazuma o readmisiji na području općine Kakanj za period 2021-2024 godina
9. Prijedlog odluke o proglašenju Udruženja građana „Rudarska glazba“ iz Kakanja udruženjem od posebnog interesa
10. Informacija o poduzetim operativnim mjerama i drugim aktivnostima u periodu stanja vanrednih okolnosti 05.11.2021.-08.11.2021. godine na području općine Kakanj, uzrokovanih obilnim padavinama i nastankom poplave na lokalitetima naselja Doboj, Povezice, Karaulsko Polje, Malješ i Hasa
11. Prijedlog rješenja o konačnom imenovanju Skupštine JP „Grijanje“ d.o.o. Kakanj
12. Prijedlog rješenja o konačnom imenovanju Skupštine JP „Vodokom“ d.o.o. Kakanj
13. Prijedlog rješenja o privremenom imenovanju UO JU za predškolski odgoj i obrazovanje „Mladost“ Kakanj

1. Izvještaj o izvršenju Budžeta Općine Kakanj za period 01.01.-30.09.2021. godine

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je pohvalio izvještaj i ocijenio ga jasnim i preglednim, te tražio pojašnjenje određenih nejasnoća. Pitao je zašto su neke od pozicija u Budžetu realizovane 100 %, dok pojedine nisu nikako ili u vrlo malom procentu (npr. finansiranje udruženja). Pitao je zašto nije došlo do realizacije sredstava za nabavku uređaja za praćenje kvalitete zraka, za koju namjenu je od Fonda za zaštitu okoliša F BiH došlo 80 hiljada KM i kad se planira realizacija te nabavke. Na kraju je u vezi nerealizovanih 5 hiljada KM za subvencioniranje boravka djece u vrtićima pitao da li je to razlog za donošenje važeće Odluke o sufinansiranju, odnosno da li činjenica da nema dovoljno sredstava za tu namjenu je bila odlučujuća pri donošenju aktuelne Odluke, te će se u narednoj budžetskoj godini raditi izmjene predmetne Odluke.

Džihad Berbić (odgovor): je pojasnio da se kod finansiranja udruženja sredstva realizuju nakon provođenja javnog poziva, pa zbog toga dolazi do kašnjenja u realizaciji sredstava zbog provođenja zakonskih procedura. U vezi nabavke uređaja za praćenje kvalitete zraka je rekao da se taj projekat sufinansira od strane Fonda za zaštitu okoliša F BiH i da je njihova praksa da svoja sredstva realizuju nakon što Općina izvrši plaćanje svojih obaveza iz konkretnog projekta, što je u toku realizacije. Pojasnio je da preostalih nešto više od 5 hiljada KM za sufinansiranje boravka djece u vrtiću je nerealizovani dio sredstava za sufinansiranje boravka djece u privatnom vrtiću prema ranijoj Odluci i da to nisu sredstva za realizaciju važeće Odluke koja se nalaze na novoj poziciji u iznosu od 50 hiljada KM.

Nakon diskusije Vijeće je usvojilo Zaključak o prihvatanju Izvještaja o izvršenju Budžeta Općine Kakanj za period 01.01.-30.09.2021. godine, sa 18 glasova ZA, 2 glasa PROTIV i 4 glasa UZDRŽAN.

2. Prijedlog odluke o izmjenama i dopunama Budžeta Općine Kakanj za 2021. godinu s prijedlogom zaključka o saniranju akumuliranog deficita iz ranijeg perioda

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji je učestvovao Fakir Ajdinović.

Fakir Ajdinović: se osvrnuo na stipendiranje studenata i predložio da se predmetnim izmjenama i dopunama Budžeta predvide sredstva za isplatu razlike stipendije studentima koji su istu ostvarili putem nadležnog ministarstva ZDK, obzirom da je općinska stipendija veća od kantonalne, kako ne bi pravili razliku među kakanjskim studentima.

Džihad Berbić (odgovor): je pojasnio da je izmjenama i dopunama predviđen novi iznos za stipendije u visini od 37 hiljada KM, a narednom tačkom dnevnog reda je tačno precizirano na što se to tačno odnosi.

Nakon diskusije Vijeće je usvojilo Odluku o izmjenama i dopunama Budžeta Općine Kakanj za 2021. godinu sa Zaključkom o saniranju akumuliranog deficita iz ranijeg perioda, sa 19 glasova ZA, 5 glasova PROTIV i 1 glas UZDRŽAN.

3. Prijedlog odluke o dopuni Odluke o izvršavanju Budžeta Općine Kakanj za 2021. godinu

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji nije niko učestvovao i Vijeće je usvojilo Odluku o dopuni Odluke o izvršavanju Budžeta Općine Kakanj za 2021. godinu, jednoglasno sa 24 glasa ZA.

Predsjedavajući je predložio da se rasprava po tačkama 4. i 5. dnevnog reda objedini, a da se glasanje obavi pojedinačno.

4. Nacrt budžeta Općine Kakanj za period 01.01.-31.12.2022. godine

5. Nacrt odluke o izvršavanju budžeta Općine Kakanj za period 01.01.-31.12.2022. godine

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je podsjetio da je Ured za reviziju prilikom kontrole u Općini Kakanj dao preporuku da se Zavod za planiranje i izgradnju uvede u Budžet Općine kao zasebna stavka, a što je Akcionim planom i predviđeno. U tom smislu je pitao zašto predloženim nacrtom budžeta Zavod nije uveden u okvire zakonskog poslovanja, odnosno zašto poslovanje Zavoda nije uređeno kroz trezorsko poslovanje.

Džihad Berbić (odgovor): je potvrdio da je revizija predvidjela 28 preporuka među kojima i uvođenje Zavoda u trezorsko poslovanje. Rekao je da je to jedan ozbiljan i kompleksan posao za koji treba više vremena da se implementira, obzirom da se na trenutni način radi dugo godina, pa prelazak na trezorsko poslovanje povlači mnogo promjena. Podsjetio je da Općina Kakanj ulazi u krug od 15% općina koje su najdalje otišle u uspostavi trezorskog poslovanja.

Nakon diskusije Vijeće usvojilo Zaključak o utvrđivanju nacrta budžeta Općine Kakanj za period 01.01.-31.12.2022. godine, sa 20 glasova ZA, 1 glas PROTIV i 3 glasa UZDRŽAN, te Zaključak o utvrđivanju nacrta odluke o izvršavanju budžeta Općine Kakanj za period 01.01.-31.12.2022. godine, sa 18 glasova ZA, 3 glasa PROTIV i 3 glasa UZDRŽAN.

6. Prijedlog odluke o davanju saglasnosti za utvrđivanje namjene mikrolokalitetu (Romsko naselje Varda)

Predlagač: općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika

U diskusiji nije niko učetvovao i Vijeće je usvojilo Odluku o davanju saglasnosti za utvrđivanje namjene mikrolokalitetu (Romsko naselje Varda), jednoglasno sa 24 glasa ZA.

7. Prijedlog odluke o izmjenama i dopunama Odluke o utvrđivanju naziva novih ulica općine Kakanj

Predlagač: općinski načelnik

Obradivač: Služba za opću upravu, radne i zajedničke poslove, lokalnu samoupravu i mjesne zajednice

Izjavitelj: Bahrudin Arnaut, pomoćnik općinskog načelnika

U diskusiji su učetvovali Dževdet Huskić i Armin Bašić.

Dževdet Huskić: je pitao da li postoji saglasnost porodice Sikira Mehmedalije da se cijela predmetna ulica nazove po njegovom imenu, te da li postoji ideja koja ulica ili objekat bi trebali nositi ime Kovač Rahmana prvog kakanjskog šehida.

Bahrudin Arnaut (odgovor): je rekao da se nije tražila saglasnost porodice iz razloga što se ta saglasnost nije tražila ni prvobitno kada je jednom dijelu predmetne ulice dodjeljen naziv ulica Sikira Mehmedalije, te je naglasio da smatra da ne bi trebalo biti protivljenja od strane porodice, ali ukoliko se to dogodi bit će neophodno ponovo ići na izmjenu predmetne Odluke.

Armin Bašić: je pitao da li se u konkretnom slučaju radi o novoj ulici u naselju Plandište, jer je prema adresnom registru u naselju Plandište numerisanje završeno, te je pitao da li se uvodi nova ulica sa numeracijom, čime će biti poremećen kompletan sistem numeracije na Plandištu.

Bahrudin Arnaut (odgovor): je pojasnio da predmetna ulica nije do sada numerisana zbog određenih nejasnoća na terenu, tako da predmetnom odlukom neće doći do promjena u obilježavanju i numerisanju ostalog dijela MZ Plandište.

Nakon diskusije Vijeće je usvojilo Odluku o izmjenama i dopunama Odluke o utvrđivanju naziva novih ulica općine Kakanj, sa 17 glasova ZA, bez glasova PROTIV i 7 glasova UZDRŽAN.

8. Lokalni akcioni plan za reintegraciju BH državljana koji se vraćaju po osnovu Sporazuma o readmisiji na području općine Kakanj za period 2021-2024 godina

Predlagač: općinski načelnik

Obradivač: Readmisioni tim općine Kakanj

Izjavitelj: Sedin Karahodžić, šef readmisionog tima Općine Kakanj

U diskusiji nije niko učetvovao i Vijeće je jednoglasno sa 25 glasova ZA donijelo Odluku o usvajanju Lokalnog akcionog plana za reintegraciju BH državljana koji se vraćaju po osnovu Sporazuma o readmisiji na području općine Kakanj za period 2021-2024 godina.

9. Prijedlog odluke o proglašenju Udruženja građana „Rudarska glazba“ iz Kakanja udruženjem od posebnog interesa

Predlagač: općinski načelnik

Obradivač: Služba za društvene djelatnosti, boračka pitanja, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika

U diskusiji su učetvovali Dževdet Huskić i Fakir Ajdinović.

Dževdet Huskić: je čestitao predlagaču na uvrštavanju predmetne tačke u dnevni red i izrazio zadovoljstvo što je Rudarska glazba dobila općinski značaj kakav zaslužuje. Tražio je još da se ona u budžetu općine planira kao posebna stavka, kako bi se istoj obezbjedili stabilni izvori finansiranja, te je tražio da se poštuje dinamika isplate budžetskih sredstava prema tom udruženju.

Fakir Ajdinović: je u ime kluba S BiH izrazio radost što će Rudarska glazba biti proglašena udruženjem od posebnog interesa, te je također predložio da se u budžetu Općine predvidi posebna stavka-ekonomski kod za finansiranje tog udruženja, a ne da bude finansirana iz programa ostalih udruženja.

Rešad Zaimović (odgovor): je rekao da se do sada u budžetu Rudarska glazba nije mogla finansirati putem posebnog ekonomskog koda jer nije imala status kakav će imati ubuduće, pa je predložio da se kroz javnu raspravu o budžetu općine za 2022. godinu, predloži amandman kojim se predlaže finansiranje udruženja sa posebne pozicije, što bi trebalo biti prihvaćeno.

Nakon diskusije Vijeće je jednoglasno sa 24 glasa ZA donijelo Odluku o proglašenju Udruženja građana „Rudarska glazba“ iz Kaknja udruženjem od posebnog interesa.

10. Informacija o poduzetim operativnim mjerama i drugim aktivnostima u periodu stanja vanrednih okolnosti 05.11.2021.-08.11.2021. godine na području općine Kakanj, uzrokovanih obilnim padavinama i nastankom poplave na lokalitetima naselja Doboje, Povezice, Karaulsko Polje, Malješ i Hasa

Predlagač: općinski načelnik

Obrađivač: Služba civilne zaštite

Izviestilac: Nurudin Hrusto, pomoćnik općinskog načelnika

U diskusiji je učestvovala Behija Kulović.

Nurudin Hrusto: je podsjetio Vijeće na slične poplave koje su se desile 2019. godine i rekao da je tada Općinsko vijeće usvojilo nekoliko zaključaka koji su proslijeđeni Agenciji za vodno područje rijeke Save, ali da se Agencija nikada nije očitovala po istim, te je podcrtao izričitu zakonsku nadležnost Agencije za vodotoke prve kategorije. S toga je predložio tri nova zaključka koji bi se proslijeđili Agenciji, Federalnom vodnom inspektoratu koji je nadležan za kontrolu rada Agencije i Federalnom ministarstvu poljoprivrede, vodoprivrede i šumarstva kao organu u čijoj je nadležnosti Agencija.

Behija Kulović: je ustvrdila da se radi o kompleksnoj oblasti gdje postoje podijeljene nadležnosti između Agencije, ZDK i Općine, te se osvrnula na zaključke iz Informacije koji su doneseni na sjednici Općinskog štaba CZ. Rekla je da po pitanju istih nije određen rok za njihovu realizaciju, a smatra da je to neophodno, pa je predložila da se Informacija vrati na doradu radi preciziranja rokova za realizaciju zaključaka, te da nakon usvajanja iste na narednoj sjednici Vijeća, Općinski štab CZ nakon proteka 6 mjeseci izvijesti Vijeće o konkretno poduzetim mjerama i aktivnostima.

Nurudin Hrusto (odgovor): je naglasio obaveze Agencije za vodotoke prve kategorije i podsjetio na obaveze i odgovornosti iste prema Zakonu o vodama F BiH, gdje nema podjele nadležnosti. Po pitanju zaključaka sa sjednice Općinskog štaba CZ je rekao da je njihov rok „odmah“ i da su gotovo svi već realizovani, a realizacija preostalih bit će praćena kroz sjednice štaba. Još je naglasio da Općinski štab CZ nema direktne nadležnosti za predmetne zaključke, već se pokušava zaštititi stanovništvo ne čekajući aktivnosti Agencije.

Behija Kulović: je insistirala da se Vijeće izjasni o njenom prijedlogu za doradu Informacije po pitanju rokova za realizaciju zaključaka, kao i da se navede ono što je eventualno realizovano.

Nurudin Hrusto (odgovor): je podsjetio da je Općinski štab CZ operativno-stručno tijelo koje djeluje u situacijama kada prijete opasnosti i koje ima ovlast da donosi zaključke, odluke i izdaje navedbe, kao i da prati njihovu realizaciju, te je pojasnio da će Vijeće kroz izvještaje, programe i druge informacije imati priliku pratiti realizaciju svih aktivnosti Općinskog štaba CZ.

Nakon diskusije Vijeće se izjašnjavalo o prijedlogu zaključka vijećnice Kulović da se Informacija vrati na doradu kako bi se precizirali rokovi za izvršenje zaključaka sadržanih u istoj, a zaključak nije dobio potrebnu većinu sa 8 glasova ZA, bez glasova PROTIV i 16 glasova UZDRŽAN. Potom je Vijeće usvojilo Zaključak o primanju k znanju Informacije o poduzetim operativnim mjerama i drugim aktivnostima u periodu stanja vanrednih okolnosti 05.11.2021.-08.11.2021. godine na području općine Kakanj, uzrokovanih obilnim padavinama i nastankom poplave na lokalitetima naselja Doboje, Povezice,

Karaulsko Polje, Malješ i Hasa uz predloženi set Zaključaka prema Agenciji za vodno područje rijeke Save, Federalnom vodnom inspektoratu i Federalnom ministarstvu poljoprivrede, vodoprivrede i šumarstva, sa 17 glasova ZA, bez glasova PROTIV i 7 glasova UZDRŽAN.

Predsjedavajući je predložio da se rasprava po tačkama 11. i 12. dnevnog reda objedini, a da se glasanje obavi pojedinačno.

11. Prijedlog rješenja o konačnom imenovanju članova Skupštine JP „Grijanje“ d.o.o Kakanj
12. Prijedlog rješenja o konačnom imenovanju članova Skupštine JP „Vodokom“ d.o.o Kakanj

Predlagač: Komisija za izbor u regulirane organe

Obrađivač: Stručna služba za poslove Općinskog vijeća

Izjavitelj: Muamer Mandra, predsjednik Komisije

U diskusiji je učestvovao Edin Aliefendić.

Edin Aliefendić: je ispred kluba SDA predložio da se u Skupštine javnih preduzeća imenuju kandidati prema utvrđenoj listi uspješnih kandidata sačinjenoj od strane Komisije i to: Skupština JP „Grijanje“ d.o.o. Kakanj, u sastavu Jasenko Beus, Mirnes Merdić i Adisa Kevilj, te Skupština JP „Vodokom“ d.o.o. Kakanj u sastavu Edita Omerović, Nusret Kovač, Mahir Sikira, Adem Delić i Nataša Šarić.

U diskusiji nije niko učestvovao i Vijeće je donijelo Rješenje o konačnom imenovanju članova Skupštine JP „Grijanje“ d.o.o Kakanj, u sastavu Jasenko Beus, Mirnes Merdić i Adisa Kevilj, sa 16 glasova ZA, bez glasova PROTIV i 8 glasova UZDRŽAN, te Rješenje o konačnom imenovanju članova Skupštine JP „Vodokom“ d.o.o Kakanj, u sastavu Edita Omerović, Nusret Kovač, Mahir Sikira, Adem Delić i Nataša Šarić, sa 18 glasova ZA, bez glasova PROTIV i 7 glasova UZDRŽAN.

13. Prijedlog rješenja o privremenom imenovanju UO JU za predškolski odgoj i obrazovanje „Mladost“ Kakanj

Predlagač: Komisija za izbor i imenovanje

Obrađivač: Stručna služba za poslove Općinskog vijeća

Izjavitelj: Edin Aliefendić, predsjednik Komisije

Edin Aliefendić: je ispred Komisije za izbor i imenovanja predložio da se aktuelnom sazivu UO JU za predškolski odgoj i obrazovanje „Mladost“ Kakanj, produži mandat privremeno do okončanja konkursne procedure za konačno imenovanje.

U diskusiji nije niko učestvovao i Vijeće je sa 18 glasova ZA, bez glasova PROTIV i 8 glasova UZDRŽAN, usvojilo Rješenje o privremenom imenovanju UO JU za predškolski odgoj i obrazovanje „Mladost“ Kakanj, do okončanja procedure javnog oglasa, a najduže do 3 mjeseca u sastavu Mirsada Čaluk – predstavnik Osnivača, Sanda Bloudek – predstavnik Vijeća roditelja i Munevera Šehić – predstavnik stručnih radnika Ustanove.

Predsjedavajući se zahvalio prisutnim, čestitao Dan državnosti BiH i zaključio rad 12. redovne sjednice Općinskog vijeća u 11:15 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić